



HÁSKÓLI ÍSLANDS

VERKLAGSREGLUR
um undirbúning, framkvæmd
og fyrirkomulag rafrænnar
kosningar til embættis
rektors Háskóla Íslands
og gerð rafrænnar kjörskrár

Bls. 1 af 4
Ábm. MDB/PK
Samb. í háskólaráði
5. febrúar 2015
Málsnúmer:
HÍ15020079

1. gr.

Tilgangur og gildissvið.

Tilgangur þessara verklagsreglna er að tryggja að framkvæmd rafrænnar kosningar til embættis rektors Háskóla Íslands, samkvæmt ákvörðun kjörstjórnar, sé í samræmi við ákvæði 6. gr. reglna fyrir Háskóla Íslands nr. 569/2009 og að eðlilegar kröfur um leynd við kosningar, réttindi kjósenda og örugga framkvæmd kosninga séu uppfylltar.

Verklagsreglurnar gilda um framkvæmd rektorskosninga ef kjörstjórn ákveður að þær fari fram með rafrænum hætti og að kjörskrá vegna kosningarinnar verði rafræn.

2. gr.

Orðskýringar.

Í verklagsreglum þessum gilda eftirfarandi orðskýringar:

Ugla: Innri vefur Háskóla Íslands sem allir starfsmenn og stúdentar háskólans hafa aðgang að með persónubundnu auðkenni.

Kosningakerfi: Hugbúnaður sem er notaður til að stjórna og framkvæma rafræna kosningu. Kerfið skiptist í auðkenningarhluta, kosningahluta og talningarhluta. Kerfið er vistað í Uglu.

Rafræn kjörskrá: Kjörskrá sem er rafræn.

Rafrænn kjörseðill: Kjörseðill sem kjósendur sjá í rafrænu viðmóti kosningakerfis og sýnir á milli hvern umsækjenda um embætti rektors er kosið og hvaða kjörskrá viðkomandi kjósendi tilheyrir, sbr. 5. tölul. 3. mgr. 6.gr. reglna nr. 569/2009.

Rafræn kosning: Kosning þar sem einungis er kosið með rafrænni atkvæðagreiðslu í Uglu.

Auðkenning: Aðferð sem beitt er til að staðfesta auðkenni kjósenda. Hver kjósendi hefur persónubundið notendanafn og lykilorð.


3. gr.

Hlutverk kjörstjórnar.

Háskólaráð skipar kjörstjórn samkvæmt 1. mgr. 4. tölul. 6. gr. reglna nr. 569/2009. Verkefni kjörstjórnar er að hafa fyrir hönd háskólaráðs umsjón með gerð kjörskrár, ákveða kjördag, annast framkvæmd kosninga, úrskurða í kærumálum vegna kosninga, sjá um utankjörfundaratkvæðagreiðslu og annað er að kosningunni lýtur, svo sem nánar er kveðið á um í 6. gr. reglna nr. 569/2009.

Kjörstjórn ákveður fyrirkomulag kosningar og undirbýr hana svo sem varðandi útlit og gerð rafrænna kjörseðla og talningu atkvæða, fylgist með framkvæmd hennar, fer yfir niðurstöðu talningar og staðfestir úrslit kosningar.

Að öllu leyti gilda ákvæði 6. gr. reglna nr. 569/2009 um kosningu, tilnefningu og embættisgengi rektors.

 <p>HÁSKÓLI ÍSLANDS</p>	<p style="text-align: center;">VERKLAGSREGLUR um undirbúning, framkvæmd og fyrirkomulag rafrænnar kosningar til embættis rektors Háskóla Íslands og gerð rafrænnar kjörskrár</p>	<p>Bls. 2 af 4 Ábm. MDB/PK Samp. í háskólaráði 5. febrúar 2015 Málsnúmer: HÍ15020079</p>
--	---	---

4. gr.

Undirbúningur kosninga.

Þegar háskólaráð hefur skipað kjörstjórn ákveður kjörstjórn nánar fyrirkomulag kjörfundar, hvort hann er í einni kjördeild eða fleirum og hvort kosning er hefðbundin eða rafræn. Um rafræna kosningu fer eftir þessum verklagsreglum.

5. gr.

Hlutverk starfsmannasviðs, kennslusviðs og Reiknistofnunar háskólans.

Starfsmannasvið háskólans sér um að útbúa kjörskrá starfsmanna háskólans og stofnana hans. Kennslusvið sér um að útbúa kjörskrá stúdenta háskólans. Reiknistofnun háskólans gerir rafræna kjörskrá í samræmi við ákvæði þessara verklagsreglna.

Samkvæmt fyrirmælum kjörstjórnar annast Reiknistofnun framkvæmd rafrænnar kosningar, þar með talið auðkenningu kjósanda, staðfestingu á atkvæðisrétti, rekstri kosningakerfis, talningu atkvæða og samantekt niðurstaðna kosningar.

6. gr.

Framkvæmd og fyrirkomulag.

Skilyrði til þátttöku í rafrænni kosningu eru að nafn kjósanda sé á kjörskrá og að hann hafi auðkennt sig með fullnægjandi hætti áður en atkvæðagreiðsla fer fram.

Kjörstjórn og þeir starfsmenn Reiknistofnunar sem hafa aðgang að kosningakerfinu, eða óviðkomandi aðilar, geta ekki aflað sér vitneskju um hvernig kjósandi greiddi atkvæði né breytt atkvæði hans, án þess að það sjáist í kerfinu.

Kjörfundur skal standa frá kl. 9 árdegis til kl. 18 síðdegis að íslenskum tíma á kjördegi sem kjörstjórn ákveður, sbr. 7. tölul. 6. gr. reglna nr. 569/2009. Í auglýsingu kjörstjórnar um kosninguna á heimasíðu háskólans og í Uglu og með öðrum hætti sem kjörstjórn ákveður, skal koma fram hvenær kjördagur er og hvenær sólarhrings kosningin hefst og hvenær henni lýkur. Kjörstjórn birtir auglýsingu um kosninguna jafnskjött og ákvörðun um kjördag liggur fyrir.

7. gr.

Kosningakerfið.

Kosningakerfið er í eigu Háskóla Íslands og í umsjón Reiknistofnunar háskólans. Vinnslunni í kerfinu má skipta í auðkenningarhluta, kosningarhluta og talningarhluta.


Í auðkenningarhluta er viðmót fyrir kjósanda þar sem hann er auðkenndur.

Í kosningarhluta er staðfest að kjósandi sé á kjörskrá og viðmót fyrir kjósanda þar sem hann getur greitt atkvæði.

Í talningarhluta er viðmót fyrir úrvinnslu atkvæðagreiðslu, þ.e. talningu og tölfræði-úttekt.

Birta skal í Uglu upplýsingar um það hvernig kosningakerfið virkar.

Halda skal atburðadagbók um vinnslu og notkun kosningakerfisins.

 <p>HÁSKÓLI ÍSLANDS</p>	<p>VERKLAGSREGLUR um undirbúning, framkvæmd og fyrirkomulag rafrænnar kosningar til embættis rektors Háskóla Íslands og gerð rafrænnar kjörskrár</p>	<p>Bls. 3 af 4 Ábm. MDB/PK Samb. í háskólaráði 5. febrúar 2015 Málsnúmer: HÍ15020079</p>
--	---	---

8. gr.

Rafræn kjörskrá.

Reiknistofnun háskólans gefur út rafræna kjörskrá til afnota við rafrænar rektorskosningar samkvæmt ákvörðun kjörstjórnar. Á kjörskrá eru þeir sem uppfylla skilyrði 6. tölul. 6. gr. reglna nr. 569/2009.

Í samræmi við 5. tölul. 6. gr. reglna nr. 569/2009 skal kjörskrá lögð fram fjórum vikum fyrir kjördag og liggja frammi í Uglu í tíu daga. Á þeim tíma getur kjósandi kannað í Uglu hvort hann sé á kjörskrá og vægi atkvæðis síns. Kærur skulu hafa borist kjörstjórn í síðasta lagi tveimur vikum fyrir kjördag og skal úrskurður kjörstjórnar liggja fyrir eigi síðar en tíu dögum fyrir kjördag og hefst þá kosning utan kjörfundar sem skal vera hefðbundin.

Á rafrænni kjörskrá skulu koma fram upplýsingar um nafn og kennitölu kjósenda og skal hún vera aðskilin frá kosningarhluta kerfisins.

9. gr.

Auðkenning og kosningarréttur kjósenda.

Áður en kjósandi getur greitt atkvæði í rektorskosningu skal hann auðkenna sig í kosningakerfinu. Kosningarréttur er staðfestur með uppflettingu í hinni rafrænu kjörskrá.

Við auðkenningu kjósenda skal nota innskráningarþjónustu Uglu.

10. gr.

Hvernig kosning fer fram.

Eftir að auðkenning kjósenda hefur farið fram getur hann greitt rafrænt atkvæði í kosningakerfinu, annað hvort á eigin tölvu, á hvaða tölvu sem er sem tengd er við internetið eða á tilgreindum stað í húsnaði háskólans.

Kjósandi skal greiða atkvæði sitt í einrúmi eða þannig að aðrir sjái ekki til.

Þegar atkvæðaseðill hefur verið útfylltur verður kjósandi að auðkenna sig aftur til þess að senda inn atkvæði sitt.

Kjörstjórn ákveður og tryggir að kjósandi geti greitt atkvæði á tilgreindum stað í húsnaði háskólans, þar sem til staðar er nauðsynlegur tækjabúnaður og hægt að veita tækniaðstoð. Kjörstjórn ber ábyrgð á að kjósendum sé tryggt næði til að greiða atkvæði í einrúmi á kjörstað.

11. gr.

Óheimilt að kjósa að nýju.

Meðan kosning fer fram getur kjósandi sem áður hefur greitt atkvæði ekki kosið að nýju.



HÁSKÓLI ÍSLANDS

VERKLAGSREGLUR
um undirbúning, framkvæmd
og fyrirkomulag rafrænnar
kosningar til embættis
rektors Háskóla Íslands
og gerð rafrænnar kjörskrár

Bls. 4 af 4
Ábm. MDB/PK
Samb. í háskólaráði
5. febrúar 2015
Málsnúmer:
HÍ15020079

12. gr.

Rafrænir kjörseðlar.

Kjörstjórn skal láta gera rafræna kjörseðla í fimm litum í rektorskosningakerfinu, sbr. ákvæði 5. og 6. tölul. 6. gr. reglna nr. 569/2009.

Rafrænir kjörseðlar skulu þannig úr garði gerðir að kjósandi geti skilað atkvæði sínu auðu svo fram komi að hann hafi ekki tekið afstöðu til þeirra sem kosið er um.

Kjörstjórn felur Reiknistofnun HÍ að setja rafrænan kjörseðil í kosningakerfið. Kjörstjórn skal staðfesta að kjörseðillinn sé rétt birtur í kerfinu.

13. gr.

Leynd við kosningu.

Tryggja skal leynd við kosningu þannig að atkvæði kjósanda verði ekki rakið til hans. Í kosningakerfinu er ekki unnt að tengja kjósanda við tiltekið atkvæði.

Háskóli Íslands skal fá óháðan aðila til að gera öryggisúttekt og tryggja öryggi á meðan á framkvæmd stendur.

14. gr.

Talning atkvæða og meðferð gagna eftir kosningar.

Að kjörfundi loknum, sbr. 7. tölul. 6. gr., skulu atkvæði talin og niðurstöður atkvæðagreiðslunnar teknar saman í talningarhluta kosningakerfisins.

Kjörstjórn skal sjá til þess að niðurstöður kosninga verði aðgengilegar kjósendum og almenningi.

Fjórum vikum eftir kosningar, talningu atkvæða og birtingu niðurstöðu skal gögnum um kosningaþátttöku og atkvæðagreiðslu eytt.

15. gr.

Gagnsæi og eftirlit.

Upplýsingar um tæknilega tilhögun og framkvæmd rektorskosninganna skulu vera aðgengilegar í Uglu.

16. gr.

Laga- og reglustoð.

Verklagsreglur þessar eru settar af háskólaráði með stoð í 1. mgr. 7. tölul. 6. gr. reglna fyrir Háskóla Íslands nr. 569/2009, sbr. 1. mgr. 8. gr. laga nr. 85/2008 um opinbera háskóla og öðlast þegar gildi.